



ՀԱՍՏԱՏՈՒՄ ԵՄ՝
 ՇՐՋԱԿԱ ՄԻՋԱՎԱՅՐԻ
 ՆԱԽԱՐԱՐԻ ՊԱՇՏՈՆԱԿԱՏԱՐԻ
 ՊԱՐՏԱԿԱՆՈՒԹՅՈՒՆՆԵՐԸ
 ԿԱՏԱՐՈՂ Ա. ՄԱՃՄԱՆՅԱՆ



« 10 » 06 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
 ՓՈՐՁԱՔՆՆՈՒԹՅԱՆ

ԲՓ 0101-21

Ձեռնարկողը՝

«ՎԱՐԴԵՆԻՍԻ ՏՈՐՖ» ԲԲԸ
 գ.Տորֆավան, Խաչաղբյուր 1610

Գործունեությունը՝

**Մասրիկի փորֆի հանքավայրի «Գիլի-1» տեղամասի
 օգտակար հանածոյի արդյունահանման աշխատանքների
 շրջակա միջավայրի վրա ազդեցության գնահատման
 /ժամկետի երկարաձգում և ընդլայնում/ հաշվեպլություն
 Գեղարքունիքի մարզ**

«Շրջակա միջավայրի վրա ազդեցության
 փորձաքննական կենտրոն» ՊՈԱԿ-ի
 տնօրենի պաշտոնակատար՝



Գ. Գևորգյան

Առդիր եզրակացությունը՝ 7 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0101-21
<10> 06 2021թ.

**Գեղարքունիքի մարզի Մասրիկի տորֆի հանքավայրի «Գիլի-1»
տեղամասի օգտակար հանածոյի արդյունահանման աշխատանքների
շրջակա միջավայրի վրա ազդեցության գնահատման /ժամկետի
երկարաձգում և ընդլայնում/ հաշվետվություն**

Ներածական մաս.

Ձեռնարկող՝ «ՎԱՐԴԵՆԻՍԻ ՏՈՐՖ» ԲԲԸ
Փաստաթղթի տեսակը՝ Շրջակա միջավայրի վրա ազդեցության
գնահատման հաշվետվություն /ՇՄԱԳ/
/Ա կատեգորիա/
Տեղադրման վայրը՝ Գեղարքունիքի մարզ, Տորֆավան համայնք

«ՎԱՐԴԵՆԻՍԻ ՏՈՐՖ» ԲԲ ընկերության կողմից /այսուհետ՝ Ընկերություն/
նախատեսվում է Գեղարքունիքի մարզի Մասրիկի տորֆի հանքավայրի «Գիլի-1»
տեղամասի օգտակար հանածոյի (տորֆ) արդյունահանում: Նախագիծը մշակված է
Ընկերության տեխնիկական առաջադրանքի հիման վրա:

Համաձայն «Շրջակա միջավայրի վրա ազդեցության գնահատման և փորձաքննության
մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ. ենթակետի, ներկայացված
գործունեությունը դասակարգվում է «Ա» կատեգորիայի գործունեության տեսակների
ցանկում:

Նկարագրական մաս.

Մասրիկի տորֆի հանքավայրի «Գիլի-1» տեղամասը գտնվում է Գեղարքունիքի մարզի
Վարդենիս քաղաքից դեպի արևմուտք 3.3կմ հեռավորության վրա, ծովի մակերևույթից
1910-1920մ բարձրության վրա:

Վարչական տեսակետից, տեղամասը գտնվում է ՀՀ Գեղարքունիքի մարզի Տորֆավան
համայնքի վարչական տարածքում: Հանքավայրին ամենամոտ գտնվող համայնքներն են.
Վանեվան՝ հեռավորությունը կազմում է 0.45կմ, Լուսակունք՝ 2.0կմ, Տորֆավան՝ 0.58կմ,
Վարդենիս՝ 3.3կմ:



Հանքավայրի հեռավորությունը Սևանա լճից կազմում է 3.98կմ, Մասրիկ գետից՝ 1.4կմ:
Հանքավայրը տեղակայված է Մասրիկի լեռնային արտեզյան ավազանի միջև:

Մասրիկի հարթավայրի ամբողջ տարածքի հիմքը ներկայացված է վերին սարմատի կավային ավազաքարերով, որոնք բնորոշ են մնացուկային ծովի և տեղական ավազանի միկրոկենդանական աշխարհով:

Մասրիկի տորֆի հանքավայրն առաջացել է հնադարյան Գիլի լճի սահմաններում, որը տեղավորված է Մասրիկի գետի ավազանում: Հանքավայրը բաղկացած է 2 հիմնական տեղամասերից՝ «Գիլի» և «Վարդենիսի»: «Գիլի» տեղամասը ունի լայնությամբ ձգված էլիպսոիդի ձև, որի երկարությունը կազմում է 2.5կմ, իսկ լայնությունը տատանվում է 1.2-ից 1.5կմ սահմաններում:

Տորֆի հանքավայրն առաջացել է բուսալճակային պայմաններում՝ յուրահատուկ ռեժիմով, կենդանական աշխարհով և միկրոկլիմայով: Վերջինին նպաստել են վեր բարձրացող աղբյուրները և գետնաջրերը՝ երկարացնելով բուսածուխի ժամանակաշրջանը:

Մասրիկի տորֆի հանքավայրի Գիլի-1 տեղամասի ժամկետի երկարաձգման, ընդլայնման սահմաններում (17.375հա) օգտակար հանածոյի մնացորդային պաշարները B կարգով 01.01.2021թ. դրությամբ կազմում է 33402տ կամ 157556.6մ³ ծավալ, որից արդյունահանվող պաշարների քանակը կկազմի է 30900 տ կամ 145754.7մ³:

Սույն նախագծով նախատեսվում է հանքավայրը շահագործել բաց եղանակով, տարեկան՝ 1113.4տ կամ 5251.9մ³ արտադրողականությամբ (մարվող պաշար) և տարեկան արդյունահանել 1030տ կամ 4858.5մ³ ծավալ:

Մակաբացման ապարները բացահանքում բացակայում է: Հանքավայրը ծածկված է, բուսական ճիմաշերտով, որոնցից մաքրելով, դրանք կտեղափոխվի մոտակայքում արդեն շահագործված տարածքի վրա ու կհարթեցվի:

Հանությային աշխատանքները կատարվելու են բարձիչ, ավտոինքնաթափ, բուլդոզեր լեռնատրանսպորտային համալիրով: Արդյունահանված օգտակար հանածոյի իրացումը նախատեսվում է տեղից՝ սպառողի ավտոտրանսպորտով:

Հանքարդյունահանման աշխատանքների համար նախատեսվում է տարվա ընթացքում 130 օր, մեկ հերթափոխ՝ 8 ժամ տևողությամբ: Ծառայման ժամկետը նախատեսված է 30 տարի:

Բացահանքը վերջնական դիրքում կունենա հետևյալ պարամետրերը.

- ամենամեծ երկարությունը՝ 408մ,
- ամենամեծ լայնությունը՝ 175մ,
- ամենամեծ խորությունը՝ 1.16մ,
- միջին խորությունը՝ 1.03մ,
- օտարման տարածքը՝ 17.375հա:

Բացահանքի անկյունային կետերի կոորդինատներն են.

- | | |
|---------------|-----------|
| 1.X= 4452304 | Y=8557820 |
| 2. X= 4452289 | Y=8558045 |
| 3. X=4451989 | Y=8558220 |
| 4. X=4451499 | Y=8557945 |

Տորֆի արդյունահանման դաշտի մակերևույթի նախապատրաստումը իր մեջ ընդգրկում է հետևյալը.
ա) բուսական շերտի (ճիմերի) հեռացում,

